

Siunnersuut uunga: Utoqqalinersiaqarneq pillugu Inatsisartut inatsisaat nr. xx, xx.xx-2015-imeersoq

(Ilaqtariinnermut, Naligiissitaanermut Isumaginninnermullu Naalakkersuisunut ilaasortaq)

Saqqummiussissut

(Ilaqtariinnermut, Naligiissitaanermut Isumaginninnermullu Naalakkersuisunut ilaasortaq)

Siullermeerneqarnera

Utoqqalinersiaqarneq pillugu Inatsisartut inatsisaat 13. november 2015 akuerineqarpoq.

Inatsisip atuutsinneqalernerani inatsisip nassuaatitaani kukkusumik nassuaasoqarsimasoq paasineqarpoq, tamannalu utoqqalinersialinnut utoqqalinersiuteqanngitsunik aappalinnut inatsimmi siunertaanngitsumik kinguneqarnerluttussaavoq.

Allannguutissatut siunnersuutip qulakkiissavaa isertitat maanna atuuttut § 5, imm. 2-mi toqqammavigneqartussat naatsorneranni kiisalu utoqqalinersianut tapit nalimmassarneqarneranni utoqqalinersiat aamma Nunat Avannarliit isumaqatigiissutaat malillugu Isumaginninnermi Sillimmasiisarfinni nalunaarsorsimasut pisartagaat ilanngunneqartannginnissaat.

Taamaalluni utoqqalinersiallit utoqqalinersiuteqanngitsunik aappaqartut, inatsisip suliarineqarnerani tamarmi siunertaajuarsimasutut inississapput. Allannguutissatummi siunnersuutip taamaalluni qulakkiissavaa utoqqalinersialinnut taakkununnga siunertaanngitsumik kingunerluuteqartitsisoqannginnissaat inatsit januarip aallaqqaataani 2016-imi atuutilerpat.

Utoqqalinersiaqarneq pillugu Inatsisartut inatsisaannut allannguutissatut siunnersuut aningasanut inatsisissamut akuerineqaqqammertumut kingunerluuteqassangilaq, utoqqalinersiaqarnermi pillugu Inatsisartut inatsisaanni akuerineqareertumi taakkua naatsorsuutigineqareermata. Matumanimi taamaallaat inatsisip nassuaatitaani kukkusumik nassuaasoqarsimavoq, tamannalu siunertaanngilaq, taamaattumillu inatsisip januarip aallaqqaataani 2016-imi atuutilinnginnerani aaqqiivigneqartariaqarnera kaammaattutigineqartariaqarpoq.

Taamatut oqaaseqarlunga oqluuserisassaq Inatsisartunut tunniuppara, kaammattutigissavaralu siunnersuutip aappassaaneerneqannginnerani ataatsimiisitaliami suliarineqartussanngorlugu ingerlatinneqannginnissaat.